

SAKSPAPIR

Saksnr	Utval	Type	Dato
047/20	Formannskapet	PS	10.06.2020

Saksbehandlar	ArkivsakID
Øyvind Johannessen	19/1679

Sak om eigedomsskatt - Danielsen skule, Valestrand

Vedlegg:

Søknad om fritak for eigedomsskatt (L)(510599)

Rådmannen sitt framlegg til vedtak:

Eigedom 137/163 tilhøyrande Egill Danielsen Stiftelse får ikkje fritak for eigedomsskatt med heimel i eigedomsskattelova § 7 , bokstav a.

Formannskapet - 047/20

FS - behandling:

Ragnar J. Tyssebotn, FRP, gjorde slikt framlegg til vedtak: "Etter likebehandlingsprinsippet frå Danielsen skule Valestrand, Hamre grendaskule og Hjellvik Montessori skule fritak for eigedomsskatt. Grunngeving: Osterøy kommune betalar ikkje eigedomsskatt for sine skular."

Jarle Skeidsvoll, KRF, gjorde slikt framlegg: "Eigedom 137/163 tilhøyrande Egill Danielsen Stiftelse får fritak for eigedomsskatt med heimel i eigedomsskattelova § 7 , bokstav a."

AVRØYSTING

FRP sitt framlegg - fall med 6 røyster (3SP,2AP,1KRF) mot 2 røyster(2FRP)

Alternativ avrøysting

Rådmannen sitt framlegg - 5 røyster (3SP,2AP,)
Jarle Skeidsvoll sitt framlegg - 3 røyster (1KRF,2FRP)

FS - vedtak:

Innstilling til heradsstyret:

"Eigedom 137/163 tilhøyrande Egill Danielsen Stiftelse får ikkje fritak for eigedomsskatt med heimel i eigedomsskattelova § 7 , bokstav a."

Saksopplysningar:

Saksopplysningar:

Eigedomsskattelova § 7 , bokstav a Eigedom åt stiftingar eller institusjonar som tek sikte på å gagna ein kommune, eit fylke eller staten.

I samband med utskriving av eigedomsskatt har Egill Danielsen Stiftelse søkt om fritak frå eigedomsskatt med bakgrunn i at dei ikkje betaler eigedomsskatt i dei andre kommunene dei har skular og fordi bruken av bygningen som skule tek sikte på å gagne kommunen og fylkeskommunen og etter deres meining faller inn under § 7a i lov om eigedomsskatt.

Angående søknadar med heimel i § 7 bokstav a - Eigedom åt stiftingar eller institusjonar som tek sikte på å gagna ein kommune, eit fylke eller staten.

Eigedomsskattelova gjev Kommunestyret høve til å gje fritak for eigedomar som tek sikte på å gagna ein kommune. Dette er ein «kan-regel». Det vil seie at kommunestyret kan gje fritak dersom dei meiner det er rett. Det er ikkje gjeve føringar i lova på kva kriterier som bør leggst til grunn for å vurdere ein eigedom åt stiftingar eller institusjonar som tek sikte på å gagna ein kommune, eit fylke eller staten.

Utdrag av eigedomsskattelova.

§ 7. Kommunestyret kan fritaka desse eigedomane heilt eller delvis for eigedomsskatt:

- a) Eigedom åt stiftingar eller institusjonar som tek sikte på å gagna ein kommune, eit fylke eller staten.
- b) Bygning som har historisk verde.
- c) Bygning som heilt eller i nokon mon vert nytta til husvære. Fritaket kan gjelda i opptil 20 år frå den tida bygningen vart ferdig. Formannskapet eller det utvalet som er nemnt i kommuneloven § 10, kan få fullmakt til å avgjera einskildsaker om skattefritak.
- d) Bygning og grunn i visse luter av kommunen.
- e) Fritidsbustader

Vurdering

I søknaden har Egil Danilesen Stiftelse vist til at dei ikkje betaler eigedomsskatt i andre kommuner dei har skular og at det tidlegare ikkje er betalt eigedomsskat for bygningen når Valestrand Indremisjon eigde bygningen.

Konklusjon

Rådmannen tilrår ikkje at Egil Danielsen Skule får fritak.